

Udruženje za borbu protiv korupcije „Transparency International u Bosni i Hercegovini“  
objavljuje:

# JAVNI POZIV

## za prijavu posmatrača za monitoring izborne kampanje

Transparency International u Bosni i Hercegovini (TI BiH) provodi praćenje predizbornih aktivnosti, što uključuje monitoring potencijalnih zloupotreba javnih sredstava u izbornim kampanjama, aktivnosti političkih subjekata, javnih funkcionera, te praćenje troškova predizborne kampanje.

### Opis poslova posmatrača

S ciljem praćenja predizbornih aktivnosti TI BiH želi angažovati 50 terenskih posmatrača na period od tri mjeseca prije održavanja Lokalnih izbora 2024.

Posmatrači će vršiti praćenje institucija i obrazaca ponašanja političkih kandidata i zvaničnika prije i tokom izborne kampanje, sa ciljem da uoče i dokumentuju korišćenje javnih sredstava i pozicija na vlasti u svrhu izborne promocije, ali i ostale vidove zloupotreba i kršenja izbornog zakonodavstva. Posmatrači će rad obavljati na terenu širom BiH i potom dostavljati informacije koordinatorima, u skladu sa prethodnim instrukcijama.

Posmatrači moraju da budu odgovorni, nepristrasni i profesionalni pojedinci, što podrazumijeva dostavljanje egzaktnih i pravovremenih informacija, kao i objektivnost u izvještavanju. U obavljanju zadataka, od posmatrača se očekuje maksimalna posvećenost i koncentracija, kao i izražena želja za davanjem doprinosa u borbi protiv korupcije i zloupotrebe javnih sredstava.

Posmatrači će prikupljanje podataka vršiti u skladu sa posebno izrađenom metodologijom za monitoring predizbornih aktivnosti, a ovo podrazumijeva dostavljanje, u unaprijed definisanom formatu i putem obezbijeđen obrazaca, informacija o:

- javnim događajima institucija i organizacija,
- aktivnostima nosilaca javnih funkcija/kandidata (nastupi na javnim događajima, posjete, organizovana okupljanja, sastanci),
- aktivnostima institucija usmjerenih na obezbjeđenje izborne podrške,

- predizbornim aktivnostima i skupovima političkih stranaka,
- predizbornim bilbordima i ostalim oblicima vanjskog oglašavanja,
- javnim radovima u predizbornom periodu.

Pomenute informacije će posmatrači, osim kroz terenski rad i posjete javnim događajima, prikupljati kroz praćenje medija, društvenih mreža, te najave aktivnosti.

Izabrani posmatrač/ica će biti zadužen/a za jednu ili više susjednih opština, zbog čega je potrebno da imaju mogućnost prevoza.

### **Vremenski okvir monitoringa**

Posmatrači će navedene aktivnosti vršiti u trajanju od tri mjeseca prije izbora. Izbori su zakazani za 6. oktobar 2024.

Prije početka izvođenja aktivnosti, svi posmatrači će proći dvodnevnu obuku tokom mjeseca juna, u okviru koje će dobiti sve potrebne informacije o načinu vršenja monitoringa, te ciljevima istog. Nakon ove obuke će biti dogovorena dinamika, način izvještavanja, kao i komunikacija u radu.

### **Uslovi za prijavu**

- Lica koja se prijavljuju moraju da budu punoljetna,
- Minimalno završena srednja škola u trajanju od 4 godine, uz poželjno više obrazovanje,
- Da nisu aktivisti političkih partija, kandidati, niti angažovani u organima za sprovođenje izbora,
- Da posjeduju vozačku dozvolu B kategorije i mobilnost u smislu mogućnosti pokrivanja teritorije za koju su zaduženi (prisustva događajima na različitim lokacijama),
- Poznavanje izbornog procesa i načina funkcionisanja političkih subjekata
- Prethodno iskustvo u posmatranju izbora ili drugih aktivnosti sa organizacijama civilnog društva je poželjno, ali ne i obavezno,

**Svi posmatrači će za svoj rad i angažman dobijati mjesečnu naknadu i naknadu za prevoz.**

**Rok za prijavu posmatrača je 7. jun 2024. godine.**

## **Način prijave**

Zainteresovani pojedinci treba da dostave kompletno popunjen prijavni obrazac na sljedećem linku:

<https://forms.gle/VMkKMvjgbMpTGQMU9>

Dodatne informacije možete dobiti putem email adrese: [izbori@ti-bih.org](mailto:izbori@ti-bih.org)

Izabrani kandidati biće obaviješteni o izboru, daljim koracima i obavezama najkasnije do 15. juna 2024. godine.

*TI BiH zadržava pravo da, prilikom izbora kandidata, da prednost onim kandidatima čije prethodno iskustvo više odgovara prirodi traženog posla.*